

uch ernstlichen, das ir vns czwene redeliche spiesewayne mit voller ladunge vor die vnsern awß-  
richtet vnd die uff den dinstag noch Bonifacii mit euwer macht, also wir uch vor geschriben  
haben, in eyn dorff gnant die grosse Bobriczsch<sup>a)</sup> eyne mile wegcs gensiiten Friberg sendet vnd  
die vnuorruckt vnsern gewaldigen antwertet, vnd das y<sup>e</sup> nicht lasset. Ouch begern wir, welcher-  
leie stete durch euwer stad czihen werden, das ir an den torn bestellet vnd yn sagen lasset,  
daz die vff den selben tag zcur grossen Bobriczsch sien. Ouch begern wir, das ir kleyne steyn-  
buxsen mit uch nemet so meist ir moget; dar an tut ir vns wol zcu dangke. Gegeben zcu  
Missen am mantage nach corporis Christi Anno 2c. XXVI<sup>to</sup>.

Dem rate zcu Lipczk vnsern liben getruwen.

a) Ober- und Niederbobritzsch, Eph. Freiberg.

### No. 155. 1426. 7. Juni.

*Kurfürstin Katharina trifft Anordnung wegen Beförderung der leipziger Mannschaft nach dem  
bestimmten Versammlungsorte.*

Catherina von gots gnaden herczogynne zcu Sachsen vnd marcgraffynne zcu Missen.  
Liben getruwen. Als ir Barthele uern dyner zcu vns vnd den vnsern gesand vnd ouch mitte  
geschriben habt vnd begert zcu irfaren, wy ez zcu Awßk sthehe, als hat vnser hofemeister den  
selbin uern dyner muntlichen wol vnderichtet, wy es den von Awsk iczunt zcu stehet, der uch  
des furder wol vorbrengein wirdet. Vnd begern von uch mit ernstem flisse, das ir dye uern  
zcu pferden, so meist ir der vßgerichten vnd vßbrengein mogit, vf soliche tagecziit als uch vor-  
schriben ist by Friberg in das futer bringit vnd y<sup>e</sup> cleyne steinbuxsen so meist ir mogit mit  
uch bringit, vnd domitte nicht svmet; daran tut ir vns zcu dancke. Gegeben zcu Missen am  
fritage noch octavas corporis Christi.

Dem rate zcu Lipczk vnsern liben getruwen.

### No. 156. 1426. 17. Juni.

*Kurfürstin Katharina entbietet, nach der Niederlage vor Aussig, den Rest der leipziger Streit-  
kräfte nach Freiberg, zum Schutz der Städte Freiberg, Pirna und Dresden.*

Catherina herczogynne zcu Sachsen vnd marcgraffynne zcu Missen 2c. Liben getruwen.  
Wenne die vnsern leider vor Awßk eyne verlust genomen habin<sup>a)</sup>, dauon begern wir ernstlichin,  
was ir noch werhafftiger lute daheyme habt, das ir die vonstund ane sumeniß gerytten, vf way-  
nen vnd zcu fusse her gein Friberg sendet, also daz wir die stete Friberg, Pirne vnd Dresden  
bemannen vnd behalden mogen; daran tut ir vns zcu dancke. Gegeben zcu Friberg am man-  
tage nach Viti.

Dem rate zcu Lipczk vnsern liben getruwen.

a) Die Schlacht bei Aussig fand am 16. Juni statt.